

UGOVOR BR. 11-05-38-9393-14/16
*o nabavci, isporuci i implementaciji softverske aplikacije za realizaciju
pilot projekta „Elektronski dnevnik“ za deset osnovnih škola u nadležnosti
Ministarstva za obrazovanje, nauku i mlade Kantona Sarajevo*

Zaključen dana **21. jula 2016.** godine između:

I – UGOVORNE STRANE

KANTON SARAJEVO

MINISTARSTVO ZA OBRAZOVANJE, NAUKU I MLADE KANTONA SARAJEVO,
sa sjedištem u Sarajevu, Ul. Reisa Džemaludina Čauševića br. 1, kojeg zastupa i
predstavlja ministar Elvir Kazazović (u daljem tekstu – **Naručilac**)

i

QSS d.o.o. - Društvo za softversku tehnologiju Sarajevo

identifikacijski broj: 4200103980007, PDV broj: 200103980007, transakcijski račun broj:
1601030000072773 kod Vakufske banke d.d. Sarajevo,

kojeg zastupa i predstavlja direktor Isan Selimović (u daljem tekstu – **Izvršilac**)

II – PREDMET UGOVORA

Član 1.

- (1) Predmet ovog ugovora je nabavka, isporuka i implementacija softverske aplikacije „Elektronski dnevnik“ za osnovne škole u nadležnosti Ministarstva za obrazovanje, nauku i mlade Kantona Sarajevo, prema detaljnom opisu Prilog 2a tenderske dokumentacije.
- (2) Naručilac naručuje, a Izvršilac preuzima obavezu da za račun Naručioca, a prema uslovima i odredbama ovog Ugovora i na osnovu usaglašene ponude br. 44/16 od 21.06.2016. godine, izvrši nabavku, isporuku i implementaciju softverske aplikacije „Elektronski dnevnik“ za deset osnovnih škola u nadležnosti Ministarstva za obrazovanje, nauku i mlade Kantona Sarajevo.
- (3) Isporučilac se obavezuje da, po nalogu Naručioca, a na osnovu prethodno usaglašene i od strane Naručioca usvojene ponude, isporuku softverske aplikacije iz člana 1. ovog ugovora izvrši prema prihvaćenim uslovima, a sve u skladu sa odredbama ovog Ugovora.

III – KVALITET I OBIM

Član 2.

- (1) Izvršilac se obavezuje da sve ugovorene obaveze izvrši prema važećim propisima, standardima i normativima za ovu vrstu poslova uz:
- a) Implementaciju isporučene softverske aplikacije iz člana 1. ovog Ugovora (instalacija, podešavanje, optimizacija i puštanje u rad),
 - b) Isporučiti izvedbeni projekat,
 - c) Isporučiti tehničku i korisničku dokumentaciju u hard i elektronskoj formi,
 - d) Izvršilac je obavezan izvršiti obuku korisnika Naručioca za pravilan rad na sistemu softverske aplikacije iz člana 1. ovog Ugovora i izdati potvrde o realizaciji obuke,
 - e) Izvršilac je obavezan izvršiti obuku zaposlenika Naručioca,
 - f) Obuka iz stava (1) uključuje operativne korisnike (nastavnike) i administratora minimalno (dva) a po potrebi i više,
 - g) Eventualna odstupanja od uslova koji su definirani kroz prihvaćenu ponudu, moraju biti prethodno odobrena od strane Naručioca.

IV – KONTROLA

Član 3.

Stručni nadzor nad realizacijom ovog posla vršit će ovlaštena lica – Nadzorni organ ispred Ministarstva za obrazovanje, nauku i mlade Kantona Sarajevo. Ovlašteno lice za realizaciju poslova po ovom Ugovoru ispred Izvršioca je g-đa **Ana Markić - Lončarević**.

V – GARANCIJA O KVALITETU

Član 4.

Izvršilac daje garanciju na kvalitet i vjerodostojnost isporučene softverske aplikacije, sa pravom na trajno korištenje softverske aplikacije bez bilo kakvih ograničenja i uslovljavanja od dana izvršene primopredaje istog.

VI – CIJENA

Član 5.

Cijena usluge iz člana 1. ovog ugovora sa uračunatim PDV-om iznosi 26.325,00 KM. Ponuda sa ukupnom ugovorenom cijenom nalazi se u prilogu ovog Ugovora i čine njegov sastavni dio.

Član 6.

Izvršilac nema pravo na promjenu ugovorene cijene, po bilo kom osnovu i u tom smislu cijena utvrđena prihvaćenom ponudom, smatra se fiksnom i nepromjenljivom.

VII – NAČIN I USLOVI PLAĆANJA

Član 7.

Cijena ostaje fiksna za vrijeme trajanja ugovora.

Član 8.

Naručilac se obavezuje da će plaćanje usluge iz člana 1. ovog ugovora izvršiti nakon realizacije ugovorenog posla u roku od 30 dana po ispostavljanju i dostavljanju fakture na transakcijski račun Izvršioca broj: **1601030000072773** kod **Vakufske banke d.d.** Sarajevo.

Član 9.

Izvršilac zadržava pravo vlasništva nad uslugom sve do potpunog izmirenja računa.

VIII – ROKOVI I USLOVI REALIZACIJE POSLOVA

Član 10.

Rok za realizaciju svih ugovorenih poslova po ovom Ugovoru je 45 dana od dana potpisivanja Ugovora.

Član 11.

Izvršilac poslova je odgovoran za kvalitet i vjerodostojnost isporučene softverske aplikacije. Naručilac softverske aplikacije može zahtjevati od Izvršioca da se u toku rada na softverskoj aplikaciji traži da se urade određene preinake u cilju besprijekornog rada na istoj.

Član 12.

Izvršilac je obavezan da realizaciju ugovorenih poslova obavi u skladu sa važećim propisima, uz poštivanje svih pravila koje zahtjeva vlasnik softverske aplikacije, a koja nisu u suprotnosti sa važećom zakonskom regulativom.

IX – PENALI I KAZNA

Član 13.

U slučaju da Izvršilac svoju ugovorenu obavezu ne izvrši u ugovorenom roku i u ugovorenom obimu, Naručilac stiče pravo na obračun i naplatu kazne za prekoračenje ugovorenog roka u iznosu od 0,5% od Ugovorene vrijednosti, za svaki dan zakašnjenja, a najviše do 5% od ugovorene vrijednosti poslova. Za sva kašnjenja prouzrokovana od strane Naručioca (dostavljanje informacija za projekat i sl.), Izvršilac ne snosi odgovornost plaćanja kazne.

Član 14.

Ugovorena kazna će biti obračunata kroz isplatu ukupne vrijednosti ovog Ugovora.

X – IZMJENA ODREDBI UGOVORA, RASKID UGOVORA

Član 15.

Ugovorne strane su saglasne da se odredbe Ugovora mogu mijenjati sporazumno i samo u pisanoj formi i kao takav dokument čini sastavni dio ovog Ugovora.

Član 16.

U slučaju da jedna od ugovornih strana ne izvršava svoje obaveze u cijelosti ili ih izvršava djelimično, i ukoliko takvim neizvršavanjem obaveza čini štetu drugoj ugovornoj strani, druga ugovorna strana stiče pravo na jednostran raskid Ugovora i naplatu nastale štete.

XI – PRELAZNE I ZAVRŠNE ODREDBE

Član 17.

Sastavni dio ovog Ugovora čine:

1. usaglašena i od strane Naručioca prihvaćena ponuda Izvršioca posla br. 44/16 od 21.06.2016. godine (protokolarni broj: 11-14-21861/16).
2. sva druga obostrano usaglašena i ovjerena dokumentacija koja nastane tokom realizacije poslova po ovom Ugovoru.

Član 18.

Sve eventualne sporove koji proisteknu iz ovog Ugovora rješavat će ugovorne strane sporazumno. Ukoliko ne bude moguće sporazumno rješavanje nastalih sporova isti će biti riješeni putem nadležnog suda u Sarajevu.

Član 19.

Ovaj ugovor stupa na snagu danom potpisa od strane ugovornih strana.

Član 20.

Izvršilac zadržava sva autorska prava proistekla iz njegovog industrijskog vlasništva nad cjelokupnim predmetom ovog Ugovora.

Član 21.

Ovaj ugovor sačinjen je u 4 /četiri/ istovjetna primjerka od kojih po 2 /dva/ primjerka za svoje potrebe zadržava svaka ugovorna strana.

Izvršilac

QSS - Društvo za softversku tehnologiju d.o.o. Sarajevo

DIREKTOR



Isan Selimović
Isan Selimović

Broj: 2109-01/16
Sarajevo, 21.07.2016. godine

Naručilac

**Kanton Sarajevo
Ministarstvo za obrazovanje, nauku i mlade**

MINISTAR



Prof. dr. Elvir Kazazović
Prof. dr. Elvir Kazazović

Broj: 11-05-38-9393-14/16
Sarajevo, 21.07.2016. godine

QSS d.o.o. Sarajevo

Datum: 21.07.2016
Br. protokola: 116016

Elvir